

三  
國  
會  
要

三國會要敘例

黃

聞之師曰歷代史書莫尚乎志因革

系焉馬

勅八書班分十志陳壽良史顧乃闕

作蓋有

深意

蜀承漢制可省作志如據魏制爲志則正統淆矣

晉宋綴緝略而弗詳歷

禩緜遠益復難攷郝氏續漢八錄虛譚取材兩書以爲

蜀志究而言之蜀雖承漢命官制度閒亦變更豈況魏

吳互有增損近人湯氏

名成烈

作季漢書志稍謹嚴魏吳

蓋闕錢氏

名儀吉

會要具見其敘采錄未廣橐已缺殘不

揣溝贅踵法徐氏刺取羣籍條系爲書冀以補承祚之

缺文存三國之遺制大雅君子理而董之

三國之制宋志而外通典爲詳唐宋類書展轉互販裴注所載溢出亦希今據本書徵引諸史故書雅記極意芻搜一事可稽竝爲甄錄瑣聞軼事雜錄附焉

三國上沿漢制下啟晉儀斷代爲書良非易易本書所有旣必輯存網羅舊聞尤貴詳案漫無限制亦未敢出也

臺官訪議儒生譔論縱有傳書非必定制意在纂事不復纂言魏武諸令葛侯兵政當時敏用則酌錄焉

春秋義例名从主人既錄原書未能類若得失優劣付諸史評體裁既殊奚敢馮貳

裴注本書閒有牴牾采摭既富執難求全非盡糾繩亦與甄錄過而存之倏哉言乎

本朝儒先輯補精案洪氏父子具有成書疆域職官多可依據閒坵辨訂希爲諍臣侯氏藝文無關宏旨辨誤補注攷異劄記凡有旁涉取資博聞

唐宋五代均有會要徐氏兩漢門類整齊今之分目尤取該摭使命獻質因事爲篇綜厥大端就正有道綴橐

未定敢質言之

三國會要目錄

卷首 敘例 目錄 引用書目

卷一 帝系上 諡號 后妃

卷二 帝系下 親屬 宗室 外戚

卷三 麻法

卷四 天文

卷五 五行

卷六 方域上 總敘 形勢

卷七 方域中 宮苑 渠堰

卷八 方域下 郡國

卷九 職官上 公卿 庶職

卷十 職官下 武秩 郡國官 封爵

卷十一 禮上 吉禮

卷十二 禮中 凶禮 軍禮 賓禮

卷十三 禮下 嘉禮 輿服

卷十四 樂

卷十五 學校

卷十六 選舉

卷十七

兵

軍制

舟師

卷十八

刑

附赦

卷十九

食貨

屯田

賦稅

錢幣

鹽鐵

卷二十

庶政上

戶口

風俗

卷二十一

庶政下

使命

質任

貢獻

卷二十二

四夷

予幼承庭訓雅好陳書曾著校錄一編復欲輯爲會

要丙戌秋史館多暇剏立此稿咨訪通人惟桂林唐

春卿前輩

景崇

攷證古書瑞安孫仲容內兄

詒讓

商

權義例餽益實多己亥秋攜至吳門同邑林蔚生大

令丙修主管書局謂兩漢唐五代會要皆有刊本從

與附刊助成者濮子淦同年子潼陳子厚家惠齋尹

馮子和及門光校馮者劉子藩學博毓家俞弁山孝

廉鎮李挺生姻兄一鶚也庚子七月刊成記之子祖

誥孫紹翰臺侍

引用書目

尚書正義

漢書注

魏書

左傳正義

後漢書

南史

禮記正義

續漢書志

劉昭注

北史

禮書

晉書

隋書

樂書

宋書

唐書

讀禮通考

南齊書

宋史

五禮通考

梁書

遼史

史記索隱

陳書

通鑑

胡三省注

華陽國志

方輿勝覽

滿洲原流考

宋朝事實

輿地廣記

西域考古錄

朝野雜記

讀史方輿紀要

唐六典

開元占經

洛陽伽藍記

西漢會要

玉燭寶典

鄴中記

東漢會要

水經注

長安志

唐會要

元和郡縣志

景定建康志

通典

太平寰宇記

蠻書

通志

輿地紀勝

蜀鑑

通考

續通考

六朝事迹

抱朴子

玉海

孫子十家注

金罍子

困學紀聞

武備志

世說

記纂淵海

李衛公兵法

拾遺記

古今注

唐律疏義

博物志

中華古今注

元經 薛氏傳

聞見記

演繹露

風俗通

述異記

春明退朝錄

傅子

意林

齊民要術

桓譚新論

史通

顏氏家訓

說郛

大觀本草

名臣奏議

玉函山房輯佚書

九章算術

羣書治要

集古錄

雲麓漫鈔

初學記

金石錄

鼎錄

北堂書鈔

隸釋

癖談

六帖

金石萃編

禁扁

藝文類聚

石經考

方言

太平御覽

國山碑考

廣韻

冊府元龜

平津館讀碑記

韓昌黎集

司馬溫公集

三國文類

諸史然疑

蘇東坡集

上古至六朝文

廿二史劄記

薛浪語集

日知錄

咳餘叢考

文選

潛邱劄記

癸巳類稿

廣文選

經史問答

郝氏遺書

文心雕龍

義門讀書記

諸史考異

古文苑

後漢書補注

讀書叢錄

續古文苑

十七史商榷

東塾讀書記

文館詞林

廿二史考異

南北史補志

歷代名臣傳

百三名家集

曝書亭集

銅尉斗齋筆記

養新錄

渤海疆域考

蜀中名勝志

朝鮮志

日本金石志

日本通史

續後漢書

蕭常  
郝經

季漢書

湯成烈  
稿本

三國志辨證

補注

補疆域志

職官表

職官考

藝文志

攷證

旁證

證聞

校補

考證

齊召南  
稿本

凡裴注所引書今已逸者据注不具列

引書有刪  
節無增改

三國會要卷一

黃巖楊晨纂

帝系 諡號

魏太祖曹操字孟德一名吉利沛國譙人曾祖節字元

偉處士按本書操女名節為漢獻帝后不應上同祖諱故陳景雲以藝文類聚引續漢志作萌為是三

國志證聞引趙氏一清曰後漢宦者傳曹節字漢豐南

陽新野人安得有兩曹節俱于桓靈世為宦官騰亦為

節養子按證聞引趙說非也宦者傳先騰後節郡縣不

同漢豐封華容侯傳國魏世豈得以處士誣其祖乎黃

初四年立太皇帝廟以處士與祖騰字季興漢中常侍

大長秋合祭明帝後不復祀

大長秋封費亭侯加特進追諡曰高皇帝父嵩字巨高

為騰養子莫能審其生出本末裴注引吳人所作曹瞞傳及郭頌世語並云夏

侯氏之子夏侯惇之叔父惟陳氏既不取此說敵國傳聞恐難信也官至太尉追諡曰大

皇帝操舉孝廉爲郎由郡守徵爲典軍校尉董卓之亂  
潛歸陳留初平元年從袁紹等起兵稱欲誅卓爲東郡  
太守興平二年拜兗州牧建安元年奉迎獻帝都許爲  
大將軍封武平侯十五年爲丞相十八年爲魏公二十  
一年進爵魏王二十五年正月卒年六十六子丕嗣十  
月廢帝爲山陽公篡位追諡操爲武皇帝廟號太祖葬  
高陵

文皇帝丕字子桓武帝長子建安十六年爲五官中郎

將副丞相二十二年立爲魏太子受禪於縣昌都洛陽  
改元黃初七年卒年四十追諡爲文皇帝廟號世祖葬  
首陽陵

明皇帝叡字元仲封平原王以母甄夫人誅故未建爲

孝七年文帝病篤乃立爲皇太子遂卽帝位改元三

太和

六年青龍四年景初三年卒年三十六追諡曰明皇帝廟號烈祖葬

高平陵

齊王芳字蘭卿明帝無子養王及秦王詢宮省事祕莫

有知其所由來者

魏氏春秋曰或云任城王楷子

青龍三年立爲齊王

景初三年帝病甚乃立爲皇太子遂卽帝位改元二

正始

九年嘉平六年爲司馬師所廢

魏世譜曰晉受禪封爲邵陽縣公年四十三泰始十年卒謚曰

厲公

高貴鄉公髦字彥士文帝孫東海定王霖子正始五年

封郟縣高貴鄉公齊王廢迎立之改元二

正元二年爲甘露五年

司馬昭所弒年二十葬以王禮

陳留王奐初名璜字景明燕王宇子甘露二年封安次

縣常道鄉公迎立嗣明帝後改元二

景元四年爲司馬咸熙二年

炎所篡

魏世譜曰封爲陳留王年五十八太安元年卒謚曰元皇帝

先主姓劉諱備字玄德涿郡涿縣人漢景帝子中山靖

王勝之後也

按此書法直以先主承漢統其稱蜀志不得已也

勝子貞元狩六

年封涿縣陸城亭侯坐酎金失侯因家焉

攷異云是二年亭字衍典

略曰侯枝屬

祖雄父宏世仕州郡雄舉孝廉官至范令先主

少孤靈帝末討黃巾賊積功至平原相豫州刺史兼領

徐州遷左將軍建安十九年領益州牧二十四年羣下

表爲漢中王明年

庚子

曹丕篡位傳聞漢帝見害發喪制

服又明年

辛丑

卽位于成都改元章武秋帥師伐吳三年

癸卯

四月殂于永安宮年六十三葬惠陵

後主諱禪字公嗣初爲皇太子卽位時年十七改元四

建興十五年延熙二十一年降于魏封安樂縣公晉太始七年景耀五年炎興一年卒于洛陽蜀記云公

諡曰思

子恂字

吳主孫權字仲謀吳郡富春人祖鍾父堅字文臺吳書曰堅

世仕吳家葬城東爲郡縣吏討賊有功拜長沙太守封

烏程侯行破虜將軍從袁術討董卓入洛修漢諸陵初

平三年討劉表爲黃祖軍所殺年三十七追諡武烈皇

帝長子策字伯符興平元年募軍從術平定江東爲討

逆將軍封吳侯建安五年欲襲許迎漢帝未發爲盜所

殺年二十六追諡長沙桓王弟權繼之據荆揚交州黃

初二年降魏封吳王明年拒魏改年黃武七年稱皇帝

又改元五

黃龍三年嘉禾六年赤烏十三年太元一年神鳳一年

卒年七十一諡

曰大皇帝廟號太祖葬蔣陵

孫亮字子明權少子嗣位改元三

建興一年五鳳二年太平三年

為孫

綝所廢年十六

為會稽王後自殺

孫休字子烈權第六子封琅邪王迎立改元

永安七年

卒年

三十諡曰景皇帝

孫皓字元宗

一名彭祖字皓宗

權孫太子和之子封烏程侯迎

立改元八

元興一年甘露一年寶鼎三年建衡三年降鳳皇三年天冊一年天璽一年天紀四年

于晉

封歸命侯太康五年卒一云四年

魏后妃

傳曰漢制帝祖母曰太皇太后帝母曰皇太后帝妃曰皇后其餘內官十有四等魏因漢法母后之號皆如舊制自夫人以下世有增損太祖建國始命王后其下五等有夫人有昭儀有婕妤有容華有美人文帝增貴嬪淑媛修容順成良人明帝增淑妃昭華修儀除順成官太和中始復命夫人登其位於淑妃之上自夫人以下

爵凡十二等貴妃夫人位次皇后爵無所視淑妃視相  
國爵比諸侯王淑媛視御史大夫爵比縣公昭儀比縣  
侯昭華比鄉侯修容比亭侯修儀比關內侯婕妤視中  
二千石容華視眞二千石美人視比二千石良人視千  
石

按曹爽傳有才人嘉平六年紀注有保林

武帝卞皇后琅邪人文帝母也本倡家太祖納爲妾建  
安初丁夫人廢魏略曰太祖始有丁夫人又劉夫人生  
言殺我兒哭泣無節太祖忿之遣歸家太祖就見之踞  
機不應遂與絕後太后爲繼室私迎夫人延以正坐而  
已下遂爲繼室諸子無母者皆令養之二十四年拜爲

王后文帝踐阼尊曰皇太后稱永壽宮明帝卽位尊曰  
太皇太后太和四年崩合葬高陵

文昭甄皇后無極人袁紹子熙納之及冀州平文帝納  
后生明帝黃初二年賜死葬於鄴明帝卽位追謚別立  
寢廟改葬朝陽陵

文德郭皇后廣宗人早失二親喪亂流離沒入銅鞮侯  
家得入東宮文帝爲嗣后有謀焉及踐阼立爲后棧潛  
上疏曰聖哲愼立元妃必取先代世族之家若因愛登  
后使賤人暴貴恐後世下陵上替也不從明帝卽位尊

爲皇太后稱永安宮青龍三年崩於許昌葬首陽陵西  
漢晉春秋曰甄后之誅由郭后之寵明帝怒逼殺之趙翼辨此非實蓋明帝雖恨郭猶以先帝所立崇以虛名徙居許昌未逼殺也

李貴人 陰貴人 又文帝踐阼後山陽公奉二女以

嬪於魏

位號未詳

明悼毛皇后河內人選入東宮明帝卽位爲貴嬪太和

元年立爲皇后景初元年賜死然猶加謚葬愍陵

明元郭皇后西平人黃初中本郡反叛沒入宮明帝卽

位拜爲夫人帝疾困立爲皇后齊王卽位尊爲皇太后

稱永甯宮值三主幼弱宰輔統政與奪大事皆先咨啟於太后而後行毋邱儉鍾會作亂咸假其命而以爲辭景元四年崩葬高平陵西

虞妃河內人初明帝爲王納爲妃卽位虞不得立爲后卞太后慰勉焉虞曰曹氏自好立賤未有能以義舉者也不能以善始未有能令終者也殆必由此亡國喪祀矣遂絀還鄴宮

洛陽宮

明帝

於列殿之北立八坊諸才人以次序處其中

貴人夫人以上轉南附焉其秩石擬百官之數帝常游

宴在內乃選知書可付信者爲女尙書使典省外奏事處當盡可自貴人以下至尙保及給掖庭灑掃習伎歌者各有千數又錄奪士女已嫁者還以配士旣聽以生口自贖又簡有資色者內之掖庭

魏略

北宮皇太后居

嘉平六年紀注  
皇太后還北宮

西宮

魏略遣使投齊王璽綬出就西宮甘露五年太后令有欲入西宮殺吾云云時太后亦居西宮

黃初三年詔曰婦人與政亂之本也自今以後羣臣不得奏事太后后族之家不得當輔政之任又不得橫受茅土之爵以此詔傳後世若有違背天下共誅之

高貴鄉公死太后臨朝甘露五年羣公奏太后曰殿下聖德光隆甯濟六合而猶稱令與藩國同請自今殿下令書皆稱詔制如先代故事

黃初七年五月丙辰帝疾篤遣後宮淑媛昭儀以下歸於其家

楊阜傳迭遷少府上疏欲省宮人諸不見幸者乃召御府吏問後宮人數吏守舊令對曰禁密不得宣露阜怒杖吏一百數之曰國家不與九卿爲密反與小吏爲密乎

案此可知宮人籍在御府而少府領之

太子有妃有良娣有孺子妾凡三等魏晉以後咸遵之

初學記

皇后有璽綬

貴人金印藍綬

御覽引魏武內戒令

蜀后妃

先主甘皇后沛人初納爲妾先主數喪嫡室常攝內事  
產後主卒葬南郡章武二年追諡皇思夫人丞相亮上  
言尊號昭烈皇后與帝合葬制可

先主吳皇后陳留人先主既定益州孫夫人乃還吳於  
是納后爲夫人章武元年策爲皇后後主卽位尊爲皇

太后稱長樂宮延熙八年薨合葬惠陵

穆諡

孫夫人孫權妹以妻先主妹才捷剛猛有諸兄之風侍

婢百餘人皆親執刀侍主先主每入心常凜凜

法正傳夫

人驕豪多將吳吏兵縱橫不法先主以雲嚴重必能整

齊特任掌內事權聞備西征大遣舟船迎妹夫人內欲

將後主還吳雲與張飛勒兵截江乃得後主還

趙雲別傳

後主敬哀張皇后飛長女章武元年納爲太子妃建興

元年立爲皇后薨葬南陵

後主張皇后敬哀妹入爲貴人延熙元年策爲皇后咸

熙元年遷洛陽

王貴人太子璿母

李昭儀

見漢晉  
春秋

董允傳後主常欲採擇以充後宮允以爲古者天子后妃之數不過十二今嬪嬙已具不宜增益終執不聽後主嚴憚之

劉琰傳妻胡氏入賀太后太后令特留胡氏經月乃出胡有美色琰疑其與後主有私呼卒五百撾胡棄遣坐  
下獄自是大臣妻母朝慶遂絕

吳后妃

孫堅吳夫人吳主權母本吳人徙錢塘權少年統業夫

人助治軍國甚有補益建安七年志林曰案后十二年薨臨薨引

見張昭等屬以後事合葬高陵追謚武烈皇太后

吳主權謝夫人山陰人聘爲妃後納徐氏欲令下之不

肯由是矢志早卒

徐夫人富春人權姑初適陸尙尙卒權聘爲妃令母養

子登後以妒忌廢處吳卒

步夫人淮陰人權欲以爲后而羣臣議在徐氏權依違

者十餘年然宮內皆稱皇后親戚上疏稱中宮及薨臣下緣指請追正名號乃贈印綬葬蔣陵

王夫人琅邪人生和爲太子將立爲后而全公主譖毀以憂死和子皓立追尊曰大懿皇后

王夫人南陽人生休太子和母貴諸姬有寵者皆出居外夫人出居公安卒休卽位追尊曰敬懷皇后改葬敬陵

潘夫人句章人生亮赤烏十三年亮爲太子明年立爲皇后權不豫夫人使問呂后專制故事宮人共縊殺之

合葬蔣陵

袁夫人術女有節行而無子權數以諸姬子與養之輒

不育

吳錄亦見術傳

孫亮全夫人全尚女亮立爲皇后孫綝廢亮爲會稽王  
後又黜爲侯官侯夫人隨之國

孫休朱夫人據女休姊公主所生孫綝廢亮立休夫人  
爲皇后休卒羣臣尊爲皇太后孫皓卽位月餘貶爲景  
皇后稱安定宮甘露元年見逼薨合葬定陵

皓傳曰朱氏亡不在

正殿於苑中  
小屋治喪

孫和嫡妃張氏和既廢爲南陽王孫峻輔政徙居新都  
賜死張氏亦自殺

何姬句容人生皓和賜死姬遂拊育皓及其三弟皓卽  
位尊爲昭獻皇后稱升平宮月餘進稱皇太后

孫皓滕夫人胤之族女聘爲妃卽位爲皇后後寵衰供  
養升平宮長秋官僚備員而已受朝賀表疏如故天紀  
四年隨皓遷洛陽

又張美人布女後見殺復奪其姊馮純妻入宮拜爲左

夫人

見江表傳

又左夫人王氏

見孫奮傳

三國會要卷一終

三國會要卷二

黃巖楊晨纂

帝系

魏親屬

武皇帝二十五男卞后生文帝及彰植熊劉夫人生昂  
鑠環夫人生沖據宇杜夫人生林袞秦夫人生玆峻尹  
夫人生矩王昭儀生幹孫姬生子上彪子勤李姬生子  
乘子整子京周姬生均劉姬生子棘宋姬生徽趙姬生  
茂

任城威王彰初封鄢陵侯黃初二年進爲公三年立爲

任城王四年薨

世說新語爲文帝毒死

葬賜鑾輅龍旗虎賁百人

子楷嗣徙封中牟五年改封任城縣太和六年改封任城國後徙濟南

陳思王植初封平原侯徙臨菑黃初二年貶爵安鄉侯

改封鄆城侯三年立爲鄆城王四年徙封雍邱太和元

年徙封浚儀二年還雍邱三年徙封東阿

御覽引植遷都賦曰號則

六易居實三遷

六年封爲陳王薨子志嗣徙封濟北王

蕭懷王熊早薨追封諡子炳嗣薨無子國除

豐愍王昞弱冠隨太祖南征爲張繡所害無子以均子

琬爲後追封謚琬襲爵薨子廉嗣

相殤王鑠早薨追封子潛嗣薨子偃嗣無子國除

鄧哀王沖年十三卒太祖愛之贈騎都尉爲聘甄氏亡女與合葬命據子琮爲後追封謚

彭城王據初封范陽侯進爲公黃初三年爲章陵王徙義陽又以母環太妃彭城人徙封彭城又徙濟陰五年改封定陶縣太和六年復封彭城

燕王宇太和六年定封子奐入繼大宗

沛穆王林太和六年定封子緯嗣

三國會要

卷二

列傳

二

中山恭王衮太和六年定封青龍三年薨子孚嗣

濟陽懷王玪初封侯早薨無子以林子贊襲亦早薨文帝以贊弟壹紹玪後追進玪爵諡壹薨子恆嗣

陳留恭王峻太和六年定封薨子渙嗣

范陽閔王矩早薨追封以均子敏爲後薨子焜嗣

趙王幹太和六年定封

臨邑殤公子上

疑史失名

早薨無後追封諡

楚王彪太和六年進封初彪來朝犯禁削縣三青龍二年大赦復所削縣嘉平元年王淩謀迎彪都許昌遣傅

及侍御史就國案驗廷尉請徵彪治罪於是使兼廷尉  
大鴻臚持節賜彪璽書切責乃自殺妃及諸子免爲庶  
人徙平原官屬及監國謁者皆伏誅國除爲淮南郡後  
封彪世子嘉爲常山眞定王

剛殤公子勤 靈殤公子京 廣宗殤公子棘 穀城

殤公子乘 並早薨無後太和五年追封諡

郿戴公子整奉從叔父紹後封郿侯薨無子追進爵以  
據子範爲後薨無後以範弟東安鄉公闡爲郿公奉整  
後

樊安公均奉叔父薊恭公彬後封侯追進爵子抗嗣徙封薊公又徙屯留子諶嗣

東平靈王徽奉叔父朗陵哀侯玉後封侯太和六年進封子翕嗣

樂陵王茂初封亭侯改封侯及公文帝世獨不王太和元年詔封聊城王正始五年徙樂陵

文皇帝九男甄皇后生明帝李貴人生協潘淑媛生蕤朱淑媛生鑒仇昭儀生霖徐姬生禮蘇姬生邕張姬生貢宋姬生儼

贊哀王協早薨追封子尋嗣薨無子國除

北海悼王蕤明帝卽位立爲陽平縣王太和六年改封以琅邪王子贊爲後封公正始七年徙封文安王

東武陽懷王鑒黃初中立薨無子國除

東海定王霖太和六年定封子啟嗣高貴鄉公髦亦霖子入繼大宗

元城哀王禮黃初初封薨以任城王楷子悌爲後改封梁王

邯鄲懷王邕黃初中封薨以楷子溫爲後改封魯陽王

清河悼王貢 廣平哀王儼 並黃初三年封薨無子  
國除

明帝子

清河王冏立未幾卽薨

繁陽王穆太和二年立三年薨

安平哀王殷一歲薨追封

齊王芳 秦王詢青龍三年立 紀云明帝無子養芳

及詢宮省事祕莫有知其所由來者 魏氏春秋曰或

云任城王楷子

太祖女清河長公主適夏侯楙

安陽公主適荀惲

金鄉公主適何晏

晏以尚主賜爵爲列侯魏末傳公主卽晏同母妹裴注非之

文帝女東鄉公主

明帝女平原懿公主

名淑追封諡懿爲立廟取甄后亡

人郭氏從弟惠爲後承甄氏姓封爲平原侯襲公主爵

齊長公主適李韜

公主適任愷

雜錄

黃初三年初制封王之庶子爲鄉公嗣王之庶子爲亭侯公之庶子爲亭伯五年改封諸王皆爲縣王太和六年改封諸王皆以郡爲國

漢魏以來皇太子在不立太孫但封王耳

唐會要

魏略植上書曰居藩國之任爲置卿士屋名爲宮冢名爲陵

中山王衮傳文學防輔相與言曰受詔察公舉錯有過

當奏及有善亦當以聞

曹植令云爲東郡太守王機防輔令倉輯等所誣又云到雍爲

監官所舉袁子曰皆寄地空名而無其實無朝聘會盟游獵不得過三十里設防輔監國伺察之思爲布衣不

能得

又袞來朝犯京都禁詔以議親之典議之有司固執詔  
削縣二戶七百五十

燕王宇傳明帝疾篤拜宇爲大將軍屬以後事宇深固

讓帝意亦變遂免宇官

初以宇及夏侯獻曹爽曹肇秦朗輔政劉放孫資與獻肇不平

勸用司馬懿及爽後魏竟爲晉篡

魏氏春秋宗室曹問上書曰子弟王空虛之地君有不  
使之民宗室竄於閭閻不聞邦國之政權均匹夫勢齊  
凡庶內無深根不拔之固外無盤石宗盟之助且州牧

郡守宗室子弟無一人廁其間與相維制非所以強幹  
弱支也今之用賢或超爲名都之主或爲偏師之帥而  
宗室有文者必限小縣之宰有武者必置百人之上非  
所以褒異之禮也

曹爽不能納

陳思王植傳嘗乘車行馳道中開司馬門出太祖大怒  
公車令坐死由是重諸侯科禁

魏氏春秋時待諸侯國法峻植及白馬王彪還

國欲同路東歸以敘  
關思監國使者不聽

趙王幹傳太祖受命重諸侯賓客交通之禁乃使與犯  
妖惡同高祖踐阼申著諸侯不朝之令若有詔得詣京

都

曹植傳婚媾不通兄弟乖絕願使諸國慶問四節得展

以敘骨肉妃妾之家膏沐之遺歲得再通

趙王幹傳九族時節集會

王家或非其時皆違禁防

又時法制待藩國既峻寮屬皆賈豎下才兵人給其殘

老大數不過二百人植以前過事事復減半

注引魏略所得兵百

五十人虎賁官騎及親事凡二百餘人就之諸國國有士子合不過五百人

又被鴻臚所下

發士息書期會甚急

注士息前後三送兼人已竭其遺孤稚弱在者無幾而復被取

文帝誅曰顧衰經以輕舉兮迫關防之我嬰是大喪不

三國志卷二  
得奔臨也

植欲祭先王於河上博士以爲庶子不得祭宗廟詔答

之

文帝集

景初中詔收黃初中諸奏植罪狀公卿已下議尙書秘書中書三府大鴻臚者皆削除之撰錄植所著賦頌詩銘雜論凡百餘篇副藏內外

太和五年詔曰古者諸侯朝聘所以敦睦親親協和萬國也先帝著令不欲使諸王在京都者謂幼主在位母后攝政防微以漸關諸盛衰也朕惟不見諸王十有二

載悠悠之懷能不興思其令諸王及宗室公侯各將適子一人朝後有少主母后在宮中者自如先帝令

六年詔曰古之帝王封建諸侯所以藩屏王室也秦漢繼周或強或弱俱失厥中大魏創業諸王開國隨時之宜未有定制非所以永爲後世法也其改封諸侯王皆以郡爲國

青龍元年改封宗室女非諸王女皆爲邑主

王淩謀立楚王彪夷三族悉錄諸王公置於鄴命有司

監察不得交關

晉書  
宣紀

嘉平六年司馬師廢齊王芳以太后令迎高貴鄉公髦於元城髦者東海定王霖之子也時王公皆錄置鄴故出髦而就元城迎之

通鑑注

景元元年髦殂迎常道鄉公於鄴爲明帝嗣及司馬昭以諸王公在鄴令山濤鎮之

太和三年詔曰禮皇后無嗣擇建支子以繼大宗則當纂正統而奉公義何得復顧私親哉漢宣繼昭帝後加悼考以皇號哀帝以外藩援立而董宏等稱引亡秦或誤時朝旣尊恭皇立廟京都又寵藩妾使比長信敘昭

穆於前殿並四位於東宮僭差無度人神弗祐其令公卿有司深以前世行事爲戒後嗣萬一有由諸侯入繼大統則當明爲人後之義敢爲佞邪進諛時君妄建非正之號以干正統謂考爲皇稱妣爲后則股肱大臣誅之無赦其書之金策藏之宗廟著於令典

燕王上表稱臣詔曰古之王者或有所不臣王將宜依此義表不稱臣乎又當爲報夫後大宗者降其私親況所繼者重邪若便同之臣妾亦情所未安其依禮典處當務盡其宜有司奏以爲燕王章表可聽如舊式中詔

所施或存好問準之義類則晏覲之族也可加崇儀稱  
示不敢斥宜曰皇帝敬問大王侍御至於制書國之正  
典宜循法故曰制詔燕王凡詔命制書奏事上書諸稱  
燕王者可皆上平其非宗廟助祭之事皆不得稱王名  
奏事上書文書及吏民皆不得觸王諱以彰殊禮加於  
羣后上遵正典尊祖之制俯順聖敬烝烝之心可普告  
施行

蜀親屬

甘陵王承後主庶弟章武元年立爲魯王建興八年改

封黃皓譖於後主不得朝見者十餘年

鼎錄與魯王鼎銘曰富貴昌宜

王侯

安平悼王理亦後主庶弟章武元年立爲梁王建興八年以魯梁在吳分界改封子哀王肩嗣卒子殤王承嗣卒詔以武邑侯輯襲王位輯理子也

鼎錄與梁王鼎銘曰大吉祥宜公王

後主太子璿延熙元年立咸熙元年鍾會作亂於成都爲亂兵所殺

安定王瑤

延熙元年立

西河王琮

十五年立

新平王瓚

十九年立北地

王譙

新興王恂

上黨王虔

皆後主子

按注引蜀世譜詢下次璩疑卽虔也

形近誤

吳親屬

孫登權長子爲皇太子權遷都建業登鎮武昌領宮府

留事赤烏四年卒

吳書曰初葬句容置園邑奉守如法後三年改葬蔣陵

子璠希

皆早卒次子英封吳侯自殺國除

江表傳權使登出征軍次安樂羣臣莫敢諫琮曰古

來太子未嘗偏征故從曰撫軍守曰監國今太子東

出臣切憂疑卽命旋軍

孫慮

登弟

黃武七年封建昌侯僕射存丞相雍等議宜授

任偏方爲國鎮衛於是假節開府治半州卒無子國除

孫和慮弟赤烏五年立爲太子後王夫人憂死和寵稍損

魯王霸覬覦滋甚權沈吟歷年遂幽閉和徙故鄣太元

二年封南陽王遣之長沙徙新都賜死子皓卽位追諡

曰文皇帝

吳麻曰和四子皓德謙俊德錢塘侯謙永安侯俊拜騎都尉

孫霸

和弟

爲魯王寵愛與和無殊和霸不穆權禁斷往來

太子敗霸亦賜死子基封吳侯壹宛陵侯皓卽位削爵

並徙烏傷縣

殷基通語權立和爲太子霸爲魯王初拜猶同宮室

禮秩未分羣公以爲上下宜異於是分宮別寮而隙開矣自侍御賓客造爲二端仇黨疑貳滋延大臣中外官僚舉國中分權患之於是有改嗣之規

陸遜傳二宮並闕職司多遣子弟給侍全琮子寄果附魯王爲交構遜外生顧譚顧承以附太子流徙

陸凱傳先帝時諸王太子若取乳母其夫復役賜與

錢財

孫亮卽位乳母常在左右

孫奮

霸弟

爲齊王居武昌徙豫章坐殺傅相廢爲庶人徙

章安太平三年就封章安侯民間訛言奮當立皓聞誅

奮及其三子國除

諸葛恪上奮牋云大行皇帝寢疾遣諸王各就國科

禁嚴峻

孫休傳云恪秉政不欲諸王在濱江兵馬之地徙休于丹陽郡

孫皓元興元年封休太子璲爲豫章王次子汝南王次

子梁王次子陳王

又送四子於吳小城復追殺大者二人

建衡元年立子爲淮陽東平王

鳳皇二年改封淮陽爲魯東平爲齊又封陳留章陵等

九王凡十一王王給三千兵

天紀二年立成紀宣威等十一王王給三千兵

四年立中山代等十一王王給三千兵

陸抗傳諸王幼沖未統國事無用兵馬

是時政亂立王加多史皆略之故失其名

魏宗室

曹仁太祖從弟官至大司馬都督荆揚益州諸軍事封  
陳侯子泰嗣官至鎮東將軍假節轉封甯陵侯子初嗣  
又分封泰弟楷範皆爲列侯

曹純仁弟以功封高陵亭侯子演嗣進封平樂鄉侯子

亮嗣

曹洪太祖從弟官驃騎將軍封樂成侯子馥嗣子震分戶別封 洪族父瑜官衛將軍封列侯

曹休太祖族子官大司馬都督揚州封安陽鄉侯子肇嗣薨子興嗣肇弟纂分戶封列侯

曹真太祖族子

魏略曰本姓秦

官大司馬賜劔履上殿入朝不

趨封邵陵侯子爽嗣明帝詔封真五子義訓則彥皚皆列侯真弟彬列侯

文帝時分戶封

宗人曹遵事太祖早亡真乞

分封賜遵子爵關內侯百戶 爽齊王時輔政改封武

安侯官大將軍都督中外諸軍事爲司馬懿所殺夷三

族嘉平中紹功臣世封眞族孫熙爲新昌亭侯以奉眞後

吳宗室

孫靜堅季弟官昭義中郎將子瑜奮威將軍領丹陽太守次皎征虜將軍次奐揚威將軍封沙羨侯瑜子曼至將軍封侯皎子肩丹陽侯無子弟晞嗣晞弟咨彌儀皆將軍封侯奐子壹奔魏

孫賁父羌堅同產兄早卒賁征虜將軍領豫章太守都亭侯子鄰嗣進封都鄉侯威遠將軍卒子苗嗣苗弟旅

及叔父安熙績皆厯列位

孫輔賁弟領交州刺史遣使通曹公事覺幽繫卒子興  
昭偉听皆厯列位

孫紹策子封吳侯後改封上虞侯卒子奉嗣孫皓時訛  
言奉當立誅死

孫翊一名儼權弟領丹陽太守子松射聲校尉都鄉侯

裴注權尙有庶  
弟朗一名仁

孫匡翊弟定武中郎將以罪別族爲丁氏子泰長水校

尉泰子秀奔晉

江表傳皓改  
秀姓曰厲

三國會要

卷二

五十三

四

孫韶伯父河本姓俞孫策賜姓列之屬籍

吳書曰河堅族子出後姑

俞氏後復姓爲孫

爲將軍韶揚威將軍封建德侯子越嗣越兄

楷歸晉

孫桓河子建武將軍封丹徒侯

孫峻靜之曾孫父恭散騎侍郎峻爲丞相封富春侯

孫綝與峻同祖爲丞相封永甯侯弟恩據幹闔皆封侯

後被誅除屬籍

魏外戚

武宣卞后傳太和四年明帝追諡太后祖父廣曰開陽

恭侯父遠曰敬侯母周封陽都君及恭侯夫人皆贈以

印綬弟秉黃初七年封開陽侯

魏書帝為秉起第太后幸第請諸外親厨無異

膳每見不假以顏色

子蘭嗣薨子暉嗣又分秉爵封蘭弟琳為列

侯

文昭甄后傳父逸太和元年追封魏昌之安成鄉諡曰

敬侯適孫像嗣

后兄儼追諡安成鄉穆侯青龍四年改逸儼本封皆曰魏昌侯

青龍三

年薨追封魏昌侯子暢嗣又封昌弟溫韓豔皆為列侯

景初末為暢起大第車駕親臨之又於暢薨子紹嗣青後園為像母起觀廟名其里曰渭陽里

龍中又封后從兄子毅及像弟三人皆為列侯嘉平中

復封暢子二人為列侯

文德郭后傳蚤喪兄弟從兄表封觀津侯

追封父永為觀津敬侯世

婦董為堂陽君兄浮為梁里亭戴侯都為武城亭

子詳

孝侯成為新樂亭定侯皆使使奉策祠以大牢  
嗣又分表爵封詳弟述為列侯詳薨子釗嗣

明悼毛后傳父嘉封博平鄉侯嘉本典虞車工卒暴富

貴明帝令朝臣會其家飲晏其容止甚蚩駘語輒自謂

侯身人以為笑薨改封安國侯

母夏為野王君

后弟曾為原武

典農

明元郭后傳父滿追封西都定侯以叔父立子建紹其

爵

母杜爲  
郃陽君

立及從父芝建兄德皆封列侯掌宿衛

魏略曰芝

先自以他功封侯德封平原  
侯襲平原公主爵承甄氏後

黃初中文帝欲追封太后父母尚書陳羣奏曰典籍之

文無婦人分土命爵之制在禮婦因夫爵秦違古法漢

氏因之非先王之令典也帝曰此議是也其勿施行以

作著詔下藏之臺閣永爲後式

卞后傳

魏略孟康字公休安平人黃初中以於郭后有外屬

并受九親賜拜遂轉爲散騎常侍是時散騎皆以高

才英儒充選而康獨緣妃嬪雜在其間故於時其輕

三國會要

卷二

夫

之號爲阿九

孟康注漢書陳志無傳攷郭后傳言姊子孟武則康其族耳

蜀外戚

先主穆皇后兄吳壹官至車騎將軍封縣侯

弟班驃騎將軍封縣

竹侯

吳外戚

孫堅吳夫人弟景丹陽太守子奮授兵爲將封新亭侯

祺都亭侯

孫權謝夫人弟承武陵太守子崇揚威將軍助吳郡太

守

徐夫人兄矯嗣父琨廣德侯無子弟祚襲以戰功至平  
魏將軍

王夫人生休休卽位王氏無後封同母弟文雍爲亭侯  
潘夫人姊輸織室請出嫁譚紹孫亮卽位以紹爲騎都  
尉授兵

孫亮全夫人父尙封永平侯全氏侯五人並典兵後全  
懌全端全儀等降魏尙徙零陵見殺

孫和何姬皓卽位爲皇太后封弟洪永平侯蔣溧陽侯  
植宣城侯官至大司徒

孫皓滕夫人父牧封高密侯拜衛將軍錄尙書事夫人  
寵衰牧遣居蒼梧郡道死

三國會要卷二終